

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
OPĆINSKI NAČELNIK

Broj: 01-30- 1162 /25

Datum: 28. 10. 2025. godine

Na osnovu člana 71. Zakona o državnoj službi u Tuzlanskom kantonu ("Službene novine Tuzlanskog kantona", broj: 11/24) i člana 27. Pravilnika o unutrašnjoj organizaciji općinskih službi za upravu općine Doboj Istok ("Službene novine općine Doboj Istok", broj 01/25) Općinski načelnik općine Doboj Istok raspisuje

JAVNI OGLAS
za prijem namještenika u radni odnos na neodređeno vrijeme

01. Viši referent za blagajničke poslove - 1 izvršilac
02. Viši referent za matičarske poslove - 1 izvršilac
03. Referent za poslove obezbjeđenja i info pulta - 1 izvršilac

Pored općih uslova propisanih Zakonom o državnoj službi u Tuzlanskom kantonu (da je državljanin BiH, da je starije od 18 godina, da je zdravstveno sposobno za obavljanje poslova utvrđenih za to radno mjesto, da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji, da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kom nivou vlasti u Bosni i Hercegovini i da nije obuhvaćen odredbom člana IX 1. Ustava Bosne i Hercegovine) kandidat mora ispunjavati i slijedeće uslove propisane Pravilnikom o unutrašnjoj organizaciji općinskih službi za upravu općine Doboj Istok i to:

Za poziciju 01.

Završena srednja ekonomska škola, položen stručni ispit, poznavanje rada na računaru i najmanje deset mjeseci radnog staža nakon sticanja SSS.

Za poziciju 02.

Završena srednja škola – III stepen društvenog smjera, položen stručni ispit, položen poseban ispit za matičare, poznavanje rada na računaru i najmanje deset mjeseci radnog staža nakon sticanja SSS.

Za poziciju 03.

Završena srednja škola – III stepen svih smjerova, položen stručni ispit, poznavanje rada na računaru i najmanje šest mjeseci radnog staža nakon sticanja SSS.

Uz prijavu na javni oglas kandidat mora dostaviti slijedeće dokumente (u originalu ili ovjerenoj fotokopiji) i to:

- Uvjerenje o državljanstvu
- Izvod iz matične knjige rođenih
- dokaz o završenoj srednjoj školi
- dokaz o položenom stručnom ispitu ili ispitu općeg znanja
- poseban ispit za matičare za poziciju 2. Viši referent za matičarske poslove
- dokaz o poznavanju rada na računaru
- Uvjerenje o radnom stažu
- ovjerena izjava kandidata kojim potvrđuje da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kom nivou vlasti u Bosni i Hercegovini,

- ovjerena izjava kandidata da nije obuhvaćen odredbom člana IX 1. Ustava Bosne i Hercegovine i
- uvjerenje o zdravstvenoj sposobnosti dostavlja izabrani kandidat prije stupanja na posao.

Javni oglas ostaje otvoren 15 dana, od dana objavljivanja u dnevnom listu "Oslobođenje", a isti će se objaviti na web stranici općine Doboj Istok.

Kandidati su dužni svoje prijave na javni oglas dostaviti u pisanom obliku, lično na protokol općine Doboj Istok u Klokotnici ili preporučeno putem pošte na adresu općina Doboj Istok, ulica Trg Alije Izetbegovića broj 1, 74 207 Klokotnica sa naznakom "Prijava na javni oglas za prijem namještenika u radni odnos" – NE OTVARAJ.

Prijava mora biti potpisana od strane kandidata i treba sadržavati sve potrebne podatke i dokumente navedene u tekstu javnog oglasa.

Neuredne i nablagovremene prijave neće se uzimati u razmatranje.

